

名

山

藏

名山藏卷之十七

臣何喬遠恭輯

典謨記

憲宗純皇帝

十九年正月增置北勝州流官知州一員二月祀故  
南京吏部尚書魏驥于縣之德惠祠以配宋令揚時  
命襄城侯李瑾統軍夫萬人修大慈恩寺建豐盈倉  
于豐潤縣以貯歲運都察院奏文職官有犯聽許財  
物問發爲民此律文也今有援例奏辨求復者夫其  
人贓雖未入己已見貪矣按官吏凡犯貪淫俱罷職

役不叙此亦律文請加考焉如素行不謹令其冠帶  
閒住上曰居官本廉聽許與受雖若有閒心羶之矣  
如律爲是錄贈大理寺寺丞鍾同子越官勅有司月  
給同妻米給工部文思院大使等官牙牌以八十餘

員

從太監黃順奏請也初順奏下禮部言文思院大  
使共九百餘員俱陞自轉奉請牙牌者已過半矣

夫牙牌才爲朝參而設工匪非  
所當得也上曰與之不爲例戶部尚書翁世資乞

致仕上曰卿乞休者屢朕不違卿志加卿太子少保  
給驛以歸有司月給米二石歲辦應役人夫四賜勅  
曰朕聞義最繫終吉之辭禮經明進退之節卿累疏  
求去蓋得節於禮經朕用錫卿終吉之福卿歸念之

優游田里化導鄉人俾後賢觀法風俗淳厚則治理  
自臻足副朕眷遇之懷是舉也朝恩以爲渥是月也  
以傳奉得官者六十有六人三月禁勢家中鹽以侵  
商利者以太子少保兵部尚書余子俊服制將闕驛  
召之己酉月食復設壁山縣是月也以傳奉得官者

十餘人而刑部主事郭宗得陞爲尚寶司少卿

宗舉進士

善刻印章爲中貴人所引日與市人賤子駢肩供事後心愧以疾 四月巡撫陝西都

御史阮勤奏岐山縣有周公廟咸陽縣有周公墓沔  
有漢諸葛亮鳳翔府有宋范仲淹藍田縣有呂大忠  
大臨大鈞祠竝歲久淪毀乞修治賜祭上曰周公之

制作諸葛亮之興復范仲淹之經畧功在當時呂氏兄弟得傳伊洛有補名教祠墓弗治祀禮缺廢失古祭法之遺下有司修葺之周公墓歲兩祭墓以二丁守視亮仲淹及呂氏兄弟歲一祭焉封朝鮮國王李婁長子隆爲世子諭禮部臣曰婁恭順異他國賜其世子作勅諭王馬英國公張懋等四十三人自陳祖父以靖難除叛功予爵祿世世近有減除祿米之例非祖宗報功意請復其舊事下戶部左侍郎潘榮言頻年水旱倉廩缺之所入有限所出日滋非經久計懋等無事之時欲請增祿若其功何以勸賞上曰勿

許也實授試御史陸淵等十一人上曰御史之設不第取諳練刑名將以求體貞度焉有老成有學行者乎慎選之是月也以傳奉得官者二十有餘人五月減浙江銀課三之一鎮守大同太監汪直馳奏近得虜報言虜且大入乞將臣故所統達官頭目都督深等千一百人兼程赴援下兵部尚書張鵬等議時方盛夏師難久戍抑大同各邊士馬計且四萬足守禦矣請姑勿許而第勅謹備之因言京軍之設所以控四夷優游蓄養乃可望折衝邇來差役疲困銳氣消沮乞停罷之詔可保國公朱永等亦言團營見軍九

萬三千四百有奇各處更番赴工者五萬二千下場者二萬四千六百操練者僅萬六千七百而已勞逸頻繁不遑蓄銳卽馬匹亦散牧遠郊恐警急卒生難以調集乞暫令回營俟調遣上令止京倉之役大慈恩寺趣工下塲蘆溝隄岸并通州倉繕治畢卽令休舍之是月也以傳奉得官者十有餘人而太常寺顧玘得陞本寺寺丞趙玉芝母得賜誥命

玘故大德顯靈宮廟祝自

幼扶鸞殿神降言福禍與徐中官以達內庭遂得幸二子傳其術亦皆得官玉芝初用左道托內臣以進歷任未及半年其母遂得賜勅六月調汪直於南京御馬監總督兩

廣軍務右都御史朱英等馳奏廣西桂林平樂等府

蠻賊猖獗總兵官陳政等部分漢達官軍土兵尅期  
竝進以有成功蓋攻破黃姜桂山等峒一十六擒斬  
首從二千一百二十四奪回被虜男女以三十七命  
賜勅褒勉之是月也以傳奉得官者十有餘人而高  
士王應椅得援文職例馳封其父母七月大同總兵  
官許寧等奏分守左參將劉寧左監丞石岩自宣府  
移守至陽和之三日虜入境殺掠當論罪下兵部覆  
上上曰二日爾號令未行威愛未立部下勇怯地利  
險易未究知也其令勉圖自贖增置四川布政司參

議一員提督銀課

前此會川衛密勒山銀場歲課一萬三千五百兩有奇礦夫六百餘



名後皆停止至是復開兼開沙野山銀場礦夫視舊  
增十之一而會川離四川三司又二千餘里太監蔡  
用言必得參議一員領勅提督庶銀課無虧戶部覆奏從之皇第八子生後兩月

薨宣府總兵官周玉巡撫都御史秦紘等馳奏煤峪  
口等處有虜萬餘越山而南大肆劫掠大同總兵官  
許寧等督戰數合比暮斂兵相持翼日以三萬餘騎  
突至與鏖戰二晝夜勝負未決臣等尋調副將江山  
等應援仍行緣邊屯兵戰守臣玉臣紘則分駐於萬  
全左右節制之上命兵部令馬俊率所統兵兼程進  
擊以圖犄角頃之寧兵失利謬以捷聞得勅獎焉余  
子俊至命爲戶部尚書是月也陞太常寺丞趙玉芝

爲本寺卿予誥命八月虜復擁衆犯邊大同總兵官許寧以聞下兵部會議請勅宣府總兵周玉將兵二千馳合擊之仍勅太監簡類都御史秦紘練兵防守其他諸將俱令協守赴援選委重臣二員一自居庸關抵龍泉關一自古北口抵山海關令歷視險易而區畫之上曰是遂勅侍郎李衍何喬新巡歷邊關大理寺少卿侯鍾往保定等處監察御史徐鏞等言軍旅之興倚辦芻糧比歲諸邊倉庫費出無經言及出師輒云糧乏聽征之焉則第支草無備甚矣請勅戶部悉心規畫尚書徐子愛等覆奏洪武永樂時以天

下歲徵給諸邊軍馬歲用之外尚有餘積自正統末  
年以來京城及諸邊添調數多無事之時俱給糧草  
而民間田地又因冊籍詭寄者多以故賦稅日減供  
費日虧且水旱蟲災歲賑有常例在還官今竝槩爲  
赦免鈔錢鹽三法乃國家財源胡椒蘇木俱官吏俸  
銀之助今竝沮廢此何得不憂將來請自今凡賑濟  
逋負之糧第從緩征若頒恩詔則如古者賜明年田  
租之法行之凡諸詭籍悉令改正而踏勘災傷則使  
風憲官同軍衛有司訪察勘奏分巡官使兼理糧草  
巡鹽巡茶管屯官使歲滿具報本部而其原尤在朝

廷務本而節用也上曰善務本節用朕留意焉巡撫  
宣府右僉都御史秦紘總兵官周玉都指揮孫成等  
擊虜勝之賜獎勅降南京御馬監太監汪直爲奉御  
除威寧伯王越名安置安陸州革南京工部尚書戴  
縉錦衣衛帶俸指揮劉綬職俱原籍爲民命工部右  
侍郎張頤致仕復馬文升強珍項忠職予致仕命太  
監懷恩戶部尚書余子俊閱視團營官軍以杜賄賂  
買閒應役權要之弊大同總兵官許寧宣府總兵官  
周玉鎮朔大將軍保國公朱永先後以擊虜之捷聞  
九月朱永復以擊虜之捷聞妖人王臣伏誅

臣錦衣  
衛千戶

也以妖術爲太監王敬所信任敬奉使蘇松等府請  
臣及百戶王完等十九人從所至陵轅官吏毒害良  
善詐傳詔旨括取奇玩多索美女奸淫之還京爲太  
監尚銘所發下都察院鞫治得實獄上上曰臣等在  
外矯詐爲姦惡非重戮不足謝天下亟斬之仍梟示  
於被害州縣王敬充南京孝陵衛淨軍種菜完等發  
開元肅州授吏部聽選監生陳獻章爲翰林院簡討  
二衛充軍許歸養分守代州右參將都指揮使支玉等以擊虜  
之捷聞雲南木邦宣慰司下孟密曩罕弄奏累爲木  
邦所擾乞別立按撫司命太監覃平御史程宗往撫  
諭之乙巳月食都察院右都御史李裕右副都御史  
屠瀟奏太監汪直偏信兵部尚書陳鉞錦衣衛指揮  
吳綬報怨仇良都御史牟俸坐誣至謫死翰林院侍

講學七江朝宗亦緣俸親被調遠外巡視遼東兵部侍郎馬文升巡按御史王宗之強珍俱以犯鉞忤直謫戍調官給事中趙良張善吉工部主事方賓御史沃類張銳陳遵毅按察司副使王齊亦以忤直官較枉下法司被綬文致或坐除名或坐遠調今直罪已露乞復諸臣故職并賜召還上以事已處分裕等煩擾且中有不出直誣者命陳狀既上上又以其不輸情命錦衣衛先執首領官鞫之已各停俸半歲是月也以傳奉得官者十有餘人而上林苑監錄事邵文得出爲蘇州府通判不復以京秩置散地又僧錄司

右覺義繼曉母故娼家女得用孝行旌十月召朱永

還命右副都御史程宗巡撫雲南定竊盜三犯罪例

時法司以南京有三犯竊盜移咨處罪者刑部會議以監守自盜常人盜倉庫錢糧等物計職至滿貫者犯該斬絞罪雖係雜犯其情頓重若三犯前罪即累惡不悛之人難依常例處治其不滿貫犯該徒流以下罪者雖至三犯其情頗輕特依常例封都督趙勝處治仍乞通行天下奏上上曰著爲令

爲昌寧伯是月也以傳奉得官者三十餘人而董紀

得從巡簡爲上海簿于寶得從致仕知縣爲太常寺

少卿十一月蘇州府儒學生趙汧等二十人俱以罵

大監王敬坐罪初敬與十戶王完等以購書爲名乘傳南行至蘇州府介生員抄錄所謂

子平遺集卷諸生初謂獻御皆不敢違後復使抄錄他書不已衆以妨業辭敬即令有司迫遣至驛中亂

華之於是汴等駕汝輩魚肉百姓又欲及吾儒生耶  
敬還京想于上下巡按御史執問至是敬完已改特  
擬諸生贖杖罪從之是月也陞太常少卿凌中爲本寺卿通事

序班舍誠至奪情使辦事十二月以不雪遣祭告天

地社稷山川命太常寺帶俸卿趙玉芝喪復任

玉芝

得幸被賜圖書諸物陳奏輒用圖書封進又嘗自請  
註玉皇經未上會丁母憂吏部言當守制上曰玉芝  
註經未竣其起復之不爲何是月也以傳奉得官者百六十人吏

部都給事中王瑞等言爵賞天下公器帝王所以驅

策羣臣制馭四海者也祖宗列聖法古爲治設官分

職各有定員自非功德才能難以倖取納粟冠帶起

近年然亦榮身而止倖竇如達鶩榮若市恩典內降



始第京師藝術之人今則漸及無庸胥吏矣武階廢  
叙始第內使有功之家今則溢於外方白丁矣列文  
階者或待選未到便得授官或外任雜流驟遷京職  
除授有司戴武弁者世襲錦衣虛擔伯爵廝養賤夫  
市井童稚竝得寅緣蓋名器之濫至此已甚臣等伏  
觀英廟復辟之初懲景泰間倖用者多率皆黜罷皇  
上臨御之日察天順初冒功者衆一切省除史冊書  
之天下頌之伏乞斷自宸衷悉行革絕監察御史張  
稷等亦言比年以來末流賤技參廁卿列屠狗販繒  
躡踐華貫靡識一丁濫班鷲齒不挾半矢雜詠鬼置

身起布韋驟登金紫資淺歲月累晉秩階或有父子同堂而坐亦有兄弟分署而居甚至逃軍逃囚易姓名而冒進賊官賊吏隱罪過以求榮一日而有數十人得官一署而有數十員帶俸倖進大開姦計轉熾至有見任視事外補親民者末流已極朝綱何在伏望皇上帝彰公道一清仕路昭盛世平明之理上是之命繼今有奏擾希進者必罪不宥於是一時被倖李孜省董紀于寶凌中之徒或如舊官或加奪職朝市翕快焉

二十年正月庚寅京師地震是日永平諸府及宣府

大同遼東地皆震宣府裂湧水天壽山密雲古北口  
居庸關一帶城垣墩臺驛堡多潰裂人有壓死者壬  
辰勅諭文武羣臣曰朕夙夜政理治効未著地震京  
師天戒至矣齋心滌慮省愆脩德爾文武羣臣宜各  
痛加省改懋稱厥職以毗朕志監察御史徐鏞何珙  
言皇上省躬修德勅諭羣臣罷貢獻慎獄刑凡百事  
宜條示施行茲者大禮慶成故事有宴乞勅禮部暫  
免以比古先王遇災減膳徹樂之意上曰此祖宗定  
制鏞珙不諳大體錦衣衛其執訊之已俱調爲知縣  
遣樂舞生十八人齋香帛祭嶽鎮海瀆等神免修理

沙河行殿橋梁工役官軍五千人停各處燒造磚料  
減雲南歲辦銀課三萬兩四川五千兩乙巳英宗睿  
皇帝忌晨上祭奉先殿遣祭于裕陵退朝顧左右曰  
先皇奄棄天下忽二十年今晨行禮追念罔極感傷  
于懷泫然淚下不能自己東廠行事司禮監太監尚  
銘有罪黜往南京尋追械還將窮治之既而止焉第  
令押赴南京守備太監杖之百充淨軍種菜孝陵吏  
科都給事中王瑞等奏尚銘舊爲太監汪直所引得  
入東廠近爲太監李榮蕭敬所引得入司禮監榮昔  
使大同嘗黨汪直隱蔽邊情敬使湖廣所過貪殘無

厭司禮監機密重地也豈可同惡相引以損聖治皇  
上賓銘於法中外大悅乃臣謂不去榮敬來惠未已  
上曰有處科道官復言內臣犯法既不能免若趨附  
外臣置之不問則內外之勢偏小臣有過尚不可容  
若通賄大臣寘之不究則輕重之倫失外臣所以交  
結內臣者無非需求於小臣小臣所以奉承大臣者  
無非剝削于民庶惟察外臣結內臣之姦下民受上  
民之害然後國法昭明朝綱振肅臣謂尚銘既以賄  
敗宜追究其通賄之人奏入上怒無指名召而將杖  
之已解命太監懷恩數責之

銘本汪直所薦自直見  
疎獨擅權勢甘言悅色

鈞取名譽而內肆陰狡賣官鬻爵羅致富室以得重  
賂已又謀入司監至是籍家得貲數萬輦送內府累  
日不  
二月以大同虜警令都督同知白瑜充遊擊將

軍率指揮閻斌往鴈門關等處按伏署都督楊玉充  
左參將率指揮王宣往朔州等處按伏都督同知李  
俊充遊擊將軍率官軍三千往宣府按伏命余子俊  
兼都察院左副都御史總督大同宣府軍務兼督糧  
儲以山東保定六府未有巡撫大臣陞大理寺右少  
卿侶鍾爲右副都御史巡撫保定等處兼提督紫荆  
等關侶鍾鄆城人成化二年進士授御史爲王越所  
知薦之朝日臺御史屠瀟揚守隨王濬侶鍾可  
人用也巡鹽兩淮用事中貴人道淮上鍾抗不與見  
按浙江布政使以賄聞暴其過惡布政解綬去其爲

巡撫以風力聞屬吏雖有力者亦將掠之仕至戶部  
尚書鍾白哲長身不妄語笑剛毅諒直夙夜在公晚  
節其子納賄為言改南京刑部右侍郎盛顯為右副  
官所劾請老歸

都御史巡撫山東四月立殫忠效義二營選閱京衛  
舍人餘丁訓練聽調遣御史十員清閱南畿及浙江

等逃亡軍役建宋儒陸九淵兄弟象山書院於貴溪

縣歲一祭

九淵裔孫崇有請故有是命

五月起馬文升為左副都

御史巡撫遼東大同總兵許寧掩敗之事聞命與巡

撫右僉都御史郭鏜鎮守內官蔡新下獄論死寧鏜

各降六級新降三級

初寧與威寧伯王越更調鎮守也郭鏜送越行越日許寧雖經

戰陣守已撫下然非統取才朝廷用之必且壞事公其慎之寧至大同因與太監汪直爭坐不和每事違

劫自用及聞虜警直納衆言欲出兵於邊令備禱分  
擇要害按伏以待而已與寧屯重兵以遇虜寧不從  
鏗曰今虜衆必至凡戰守機宜公宜申討寧曰自古  
兵無常勢安可預圖鏗默然翁以其爲宿將不之慮  
但以與直不和奏調直于南京旣而虜酋小王子率  
衆大至烽火不絕寧乃遣劉寧董昇營西山周壘屯  
懷仁已與鏗及蔡新等敎兵城守欲伺虜入掠勢分  
各相戕邀擊之是時虜酋駐邊外猶懲往年之敗懼  
不敢入及規知寧無能爲遂入大掠而代王以已莊  
所被害屢促寧出兵猶不聽適有人自京來者服色  
頗異守門卒報云京師行事校尉來矣寧不得已乃  
與新鏗出軍去城二里許各率所統兵分爲二哨虜  
見伏精兵禾稼中遣騎十餘去營約五里解鞍牧馬  
以誘之新麾下見之告新馳往掩捕寧將士曰太監  
人已獲功吾輩反出其後遂相率揚旗馳馬出寧不  
能禁旣至虜騎四合大戰將士死者千餘人虜亦多  
死者寧奔夏米莊鏗新疾馳入城劉寧董昇聞兵敗  
督衆自守虜圍之數重幾不支軍中火器有名大將  
軍者昇亟令試之一發震天地落王子帳前人馬碎  
易死者枕藉王子大懼適周壘兵至遂引退虜衆驪



其所掠人畜彌野而去經過西路參將莊鑑等抄掠其餘騎乃各以捷聞當道者皆聞其敗以新調汪直王越非計恐責有所歸乃謬以調兵未集衆寡不敵爲辭請降勸獎勵之而科道亦無一言及者冀寧虜圖後効以掩前罪也而寧自夏米莊入城被陣亡家婦女呼號詭言擲以瓦礫自是萎蕭喪氣無復一捷久之人心積不能平有以其實上聞者上怒遂執而罪之并責科道不早言鏗既降道寧事甚悉且服越云先見申命中外官舉將才以備邊六月增倒馬關迤

西龍泉關諸處兵備開設雲南孟密安撫司徑隸安

撫司以夷婦曩罕弄子思柄爲安撫宥右都御史李

裕右副都御史屠瀟罪調裕南京下御史于璧錦衣

衛獄先是人司副張瑾以奉使擅封下都察院獄

城國使至奏報處治至是占城使至瑾復遣家人擊登聞鼓言狀有旨理在獄何緣知外事必該道御史

漏言李裕等其看詳以陞瑾移錦衣衛獄於是裕等  
劫奏御史于璧及司獄官吏且上奏伏罪上以裕瀟  
職專刑憲防範不嚴致獄囚以外事陳訴姑宥瀟罪  
而調裕南京璧等俱送錦衣衛同瑾對問已亦宥璧  
召總督兩廣軍務兼理巡撫都察院右都御史朱英  
掌院事七月巡撫陝西右副都御史鄭時等奏陝西  
連年水旱至今益烈餓殍盈途或氣尚未絕已被割  
食見者痛心乞將歲課物料暫爲停止下工部覆奏  
上曰關中屢凶民死徙不能保其命朕甚憫焉歲辦  
物料卽暫停徵以舒瘡痍以遼東廣寧西路邊報日  
急勅遼東鎮守太監韋朗總兵官縉謙巡撫都御史  
馬文升等嚴督分守副參將遊擊將軍等官練兵防

虜并行薊州永平山海密雲古北口黃花鎮居庸等  
關嚴爲備以傳奉新陞額外官多增設京班皂隸二  
百七名俱於北直隸大名等七府河南山東山西三  
布政司取之傳奉匠官太常寺卿陳敦奔喪事竣仍  
還內府供役八月傳奉取廬陵縣革職爲民中書舍

人周璉送御用監辦事

璉罷開驛吏也以呈命謂太

出入權貴之門多行請託又隨芳詣河南山西開礦  
採辦所至虐民得賄殊厚東廠官按討緝其不法事  
密具以聞坐監爲民乃潛匿

傳奉陞工部司務高鳳

爲本部都水司員外郎管事勅陝西山西河南鄖陽  
各鎮守總兵巡撫等官招撫流亡緝捕盜賊及更賢

育民凡可以安靖地方者悉聽便宜施行事重者奏請處置禁遼東武官役占屯田軍士調湖廣運糧十萬石赴陝西以備兵荒嚴鎮邊官軍逃亡冒支糧賞之禁九月乙酉朔日有食之以久旱遣吏部左侍郎耿裕禮部左侍郎兼翰林院學士徐溥祭告西嶽西鎮西海并中嶽大河之神太監趙陽乞兩淮官鹽二萬引黃治劉闔各二萬引李杲一萬引戶部左侍郎潘榮言今西北用兵東夷有警山陝河南等處災傷備邊救荒措置無從陽等不撙節用度上行宵旰之憂重違榜禁奏乞官鹽動以萬計伏望處治上曰此

曹朦朧累奏偶爾曲從實非朕意鹽課國法也豈可

請乞得者竝不許關支違者論如罪

潘榮龍溪人正統戊辰進士被

簡爲吏科給事中累官南戶部尚書致仕榮儀偉手特寬厚勤慎爲給事中論停起伏抑奔競數事爲南戶部侍郎疏禁中監人皆稱便其於榮利澹然無所戀著岳正稱榮在吏科一官二十年爲巧宦者所譏笑而其守不變以爲當世賢士大夫也都察院經歷李晟言方今攘夷

有大勢有先務在國初都燕京山後控三邊得御夷

形勝其時北邊地荒人稀且我方盛強虜衰弱不敢

來卽來亦無所得今承平旣久士馬多耗人畜頗豐

虜又適熾小入小利大入大利出入無常倉卒難備

至而後應勢每不及此大勢有未便矣加以將怯兵

弱來既不敢迎敵去又不能邀擊此先務有未得矣  
臣謂審大勢在固外藩急先務在用舊臣所謂固外  
藩者臣聞威寧海子可耕可牧去大同僅二百里在  
元爲要地今棄爲虜衛也請城其中以二萬人守之  
翼以墩堡令無事屯牧其間約虜近吾北則出奇以  
遮其前過吾南則會勦以乘其後非惟門庭愈固而  
飛輓之費亦可漸省苟謂人力不及兵難勢分亦當  
城大同近北地量戍以兵使虜一觸藩可從犄角朶  
顏三夷衛當繫之以術俾藩于東不宜徒以空言相  
諭哈密都督當封以王俾藩于西不宜徒以金印未

得久失事機至於河套之地廣袤千里土厚物蕃不宜棄以資寇今陝西饑民多徙荆襄若使邊臣按視其便守其要害據其水草且燒其餘使虜不敢入乃大招流民俾耕牧以資糧馬盡閱丁壯俾射獵以習戰鬪不數年民皆戰士地皆樂土既免荆襄之嘯聚又奪虜寇之巢穴自河以東至山之後屯堠相望首尾相應豈不強中國之勢哉所謂用舊臣者邊事非老成人莫可仗今山後有余子俊遼東有馬文升獨延綏西至甘涼無一重兵鎮撫臣聞前吏部尚書李秉兵部尚書王竑僉都御史高明除名威寧伯王越

力材可用威名素著秉竝嘗有薦以老而寢明頃起  
用以疾而還然昔者趙充國韓弘皆成功老病之日  
越坐開邊被劾乃後來劾其可罪之人卽前日議其  
可封之人同事異辭至今未定臣謂卽令越有罪功  
亦可贖今若起此數人使與子俊文升各當一面則  
三邊之勢壯而中國之威強矣有旨晟泛言煩擾下  
所司看詳之兵部尚書張鵬等言晟罪宜究治命錦  
衣衛鞠問之法司坐罪以請命調爲漢陽府通判己  
亥月食巡撫左僉都御史葉淇奏山西連年災傷平  
陽一府逃移者五萬八千七百餘戶內西邑倚氏兩



縣饑餓死男婦六千七百餘口蒲解等州臨晉等縣  
餓殍盈途不可數計父棄其子夫賣其妻甚有全家  
聚哭投河而死者棄子女市井而逃者雖嘗設法勸  
借加意撫卹其奈散給不周乞發太倉銀備賑上曰  
山西凶荒民莫必命覽奏深用惻然其亟發京庫銀  
三萬齎付洪賑貸之十月給空名度牒一萬紙分送  
山陝令募民願爲僧道者令詣被災處輸粟十石給  
度之刑部員外郎林俊極論僧繼曉太監梁芳罪下  
錦衣具獄杖而降爲州判官後軍都督府經歷張黼  
疏林亦逮獄調之吏部擬外調爲石州知州命再調

遂改師宗州給宛平大興二縣貧民布五千五百疋  
有奇命寧夏甘肅榆林鎮守等官加意撫安流民復  
雲南嵩明州舊治江西武寧奉新盜起封中軍都督  
府都督同知王源爲瑞安伯予世陞錦衣衛都指揮  
使萬喜爲後軍都督同知指揮使萬達爲都指揮同  
知萬從善爲都指揮使百戶萬牛兒爲指揮僉事從  
善甫二歲故指揮萬通庶子而牛兒甫四歲其養子  
也是月也以傳奉得官者六十有三人十一月朶顏  
衛都督阿兒乞蠻遣其弟影克孛羅送所獲北虜生  
口兵部譯審牧虜也上曰夷虜牧放爲生追逐水草

其常事何罪之足誅其編戍之賞孛羅以慰其勞仍

諭三衛貢夷毋得貪掠啓邊通玄翊教廣善國師繼

曉乞歸養母許之詔母終供職如故

繼曉以邪術進自知罪不容誅

故爲陳被恩以來每有細忠陳善之意欲求免後禍自是歸逐逃匿不敢復來傳奉進太子

太保吏部尚書尹旻爲太子太傅取中書舍人杜昌

文華殿辦書凡加大臣保傅皆賜勅旻獨出傳奉又

與杜昌同時受命前此爲未有萬全右衛百戶韋瑛

有罪伏誅

英先任錦衣從太監汪直用事及罷西廠調外任居萬全欲邀功以希起用因招巫

人劉德興通虜入寇事既不遂乃自撰妖言以誣德興等十餘人皆謀不軌走報監督太監張善善令左

右助瑛捕獲瑛加德興等毒刑有稍富者遂錄其家貲無不誣服善等以聞命官會鞠具獄皆誣宜反

生上曰曩者瑛罪當死朕從輕論調乃稔惡不悛亟斬之仍梟首于被害處其黨論罪有差瑛初附直爲惡直敗其黨多竄死而瑛反不總督大同宣府軍務及既而自致死天下聞而快焉

戶部尚書余子俊言虜已遠遁請班師以省儲費命大監張善定西侯蔣琬悉統京營官軍還京子俊暫留總督令冬末具奏而還運河南兌軍糧三萬五千石於山西救荒是月也大陞法王國師禪師以傳奉得官者三十有七人十二月預度天下僧道六萬人

以救山陝饑命工部侍郎杜謙率郎中蕭冕員外郎

李濟修濟運河

杜謙昌黎人景泰甲戌進士以工部主事區畫荒政多所存活爲浙江參

政津接忘分至所不可貴顯亦無所徇按察使定賦徵欲盡貸無產家謙曰無產之家非游民則逐未舉

民間賦役獨歸力穡之農非重本意衆謂議是謙爲

人孝友平生無聲色之奉雖退食燕居正襟端坐妻

子不敢狎視至接人臨下渾厚可親命戶部左侍郎

又能不以升沉易節工部侍郎終官命戶部左侍郎

李衍理陝西邊儲以備虜進士爲河南參政徵所部

長吏課種桑棗戶若干株因以考其勤惰月則條土

所爲政善者溫言慰勞不善詞譴不少曾改四川提

督松潘等處設防塹彭索河以扼生蠻而令民屯種

其中蠻攻張臘松其二堡與參將領兵擒殺之以戶

部右侍郎巡視山海關整飭兵備置株于弩萬五千

張可射三百餘步設飛石飛木各數十萬可發五七

十步削山爲壁東西可數百里轉左署尚書事河南

山東北直隸連旱不歲州縣索銀就糶以輸邊餉米

既躡貴武吏催督復旁午張皇衍計輸金太倉出大

軍儲兼賑饑民齊心禱雨所至均應又引渭水爲渠

以利居人是歲不稔全活甚衆明年陞本部尚書總

督京通兩倉內外僚吏素饒其名詔開中兩浙鹽課

皆疎然奉職聲色不大百奉就治

以給三邊發江南折糧銀十五萬兩并關中兩淮山東四川鹽課二百萬引於陝西榆林等處以給邊儲

陞耀州判官張善吉爲兵科都給事中

善吉初爲兵科左給事中

生累調外任滿待選吏部久之不調以養生術因太監瑛轉聞上召見賜對至是自陳乞且歷疏給事中請官叙遷之例命有司歲祭巡撫廣東故僉都御史命下士論譁然

楊信民祠虜入大同西路分守右參將張璽右少監陸問禦之玉林山墩繼入代州境分守右參將都指揮支玉與太監劉政禦之寺塢等處皆有功竝論陞賞有差虜入宣府境殺百戶一人軍餘一人是月也以傳奉得官者三十餘人

二十一年正月甲申朔申刻有火光自中天少西下  
墜化白氣復曲折上騰其聲如雷踰時西方復有流  
星如碗大赤色自中天西行近濁尾跡化白氣曲曲  
如蛇形良久正西轟轟如雷震地須臾止勅曰上天  
垂戒災異迭見歲暮及今正旦星變有聲如雷朕甚  
驚懼爾文武百官其指陳國家生民之利病朕采行  
之復林俊爲南刑部員外郎張黻爲南京左軍都督  
府經歷降李孜省上林苑監左監丞鄧常恩太寺寺  
丞繼曉革去國師爲民追奪其誥勅庚寅詔下於思  
惟艱荷罔敢自遑治效未著災沴迭興地道寧夫

時亢旱土無所演朕切憂遑齋心勤禱遣廷臣祭告山川奈歲竟不登而河南山東畿內率多饑饉陝西山西尤劇至有棄恒產家室不相顧元元何辜罹此危阨朕已博采羣議發內帑倉儲勅所司小大賑濟期此矜人咸歸樂土不意冬暮春初星變有聲朕愈兢惕載勅廷臣備陳時政采納而行今春時和祇承資始之仁誕敷寬恤之典其大赦天下巡按山西監察御史周洪奏翼城絳陽城垣曲等縣饑民嘯聚爲盜招撫不服宜發兵捕之上曰民迫饑寒朕甚憫焉其令鎮守巡撫等官宣布朝廷寬宥之意明示有司



撫御之方果有執迷不服然後相機除勦勅總督陝西軍餉戶部左侍郎李衍兼理賑濟戶部郎中張禎主事吳紀佐之刑部左侍郎何喬新往山西工部右侍郎賈俊往河南吏部郎中吳珉等十三人佐之付

以京庫銀二十五萬

賈俊東鹿人景泰中太學生家宰王翱選科道官專主體貌擢

俊御史居官廉慎有爲成化中陞山東副使益彌備自持不善結巡察以炫聲名時年方五十有六鬢髮皓然暮不緇飾當滿考清戎御史欲劾之一日正色問之曰賈憲副高壽幾何曰犬馬之年八十有二矣御史默然既退同僚問曰適者公何不實語御史俊曰御史老我而將劾我我增年以戒其彈文之美不亦善乎久之以僉都御史巡撫寧夏在邊八年二月不挾妻子嚴明剛果摘發如神歷工部尚書

吏部應詔書奏列傳奉陞除者除勲戚功陞廕授錄

用外通得五百十四人御筆點閱之留者六十一人  
吏部又疏傳奉官爲事妄冒者御筆點留五人而其  
一爲上林苑監左監丞李孜省兵部奏列傳奉陞除  
者除勳戚功陞廕授錄用外通得五百三人御筆點  
閱如文職例留者三百九十四員復命太子太保戶  
部尚書余子俊兼都察院左副都御史往宣府大同  
等處總督軍務兼總理糧儲整飭兵備總督倉場丁  
卯月當食不食詔四川募人納粟給散官以備荒三  
月丁酉皇第九子生母曰楊恭妃自正月至是風霾  
不雨命羣臣齋戒祭告于天地社稷山川四月傳奉

陞太常寺少卿康永韶爲禮部右侍郎仍掌欽天監

事永韶祁門人旁通百家尤邃天文以舉人擢御史疏內政劾馬尚書坐忤權貴請爲縣爲人剛果

密劾奸緩弱凡知福清順昌惠安三縣皆有能聲以

知天文召爲欽天監正當奏六月宮雨雪有驗賜幣

旌異是歲陝西等處人民大饑多死亡未韶言今春

星變宜有大災類此應之乃聖躬無疆之福上悅故

命有是申江南溺女禁陝西潼關饑甚以歲漕濟之閏

四月以山陝饑甚廣開納中鹽例五月監察御史汪

奎工科給事中盧瑀刑科給事中秦昇工科給事中

董祝工部主事張吉刑部主事李旦俱應詔直言吏

部承密旨外調之吉疏尤謹留中不出申王府官坐

罪事例以京師流移聚集日多下順天府縣并五城

兵馬司日給米大口三斗小口斗五升改余子俊爲  
兵部尚書仍總督軍務兼理糧儲令防秋畢還京六  
月內批戶部尚書兼督糧儲殷謙代子俊爲本部尚  
書定武臣納粟許子孫襲職例歲盡而止周王子墜  
薨南京兵部臣奉詔書覆按南京武職不繇軍功陞  
授者具名以聞中率多內臣廝養上曰毋動使任事  
如故贈襲捕福建賊龔法非被害者贛州府同知王  
廷桂爲江西布政司右參議錄一子國子監生而百  
戶鄒頤小旗王剛軍人烏等俱以死賊陞級令其子  
承襲置寧羗州於寧羗衛城并轄沔略二縣七月召

賑濟侍郎何喬新賈俊等還京傳奉陞沂州知州朱

義爲南京工部郎中

時太監梁芳被旨往山東開銀  
贖取丹砂義事芳甚謹芳還譽

義於上

遂得陞八月己卯朔日有食之福建布政司右參政

缺吏部疏禮部祠祭司郎中黃景建昌府知府秦夔

可任內批留景內擢之傳奉陞萬達爲後府帶俸都

督僉事副千戶萬祥爲指揮同知正千戶徐達爲指

揮僉事二人俱世襲韓王偕濬奏羣牧所千戶朱政

會祖信年一百八歲而終祖一百二歲父鏞八十二

俱正千戶致仕一門同壽古今稀有乞賜褒嘉以表

聖世之瑞命有司勞羊酒進階爲宣武將軍賜米布

九月太子太保戶部尚書兼謹身殿大學士劉翊致  
任主太和山香火者太監潘記求兼提督正伍官軍  
操守城池兵部言記主香火宜專焚脩操守之任有  
太監韋貴總兵都御史在旨許之十月改余子俊爲  
太子太保兼都察院左都御史巡撫大同仍提督軍  
務召僉都御史左鈺還管都察院事是月也先以星  
變降黜傳奉官者漸復進用蓋十有餘人而李孜省  
陞通政司左通政鄧常恩復職如舊改太子太保禮  
部尚書劉吉爲戶部尚書兼謹身殿大學士詹事彭  
華爲吏部左侍郎仍兼翰林院學士入內閣

彭華安  
福人彭

院試第... 五年會試第一... 廷試二甲進士改翰林  
少保禮部尚書予歸鄉弘治九年卒贈太子少傅賜  
祭葬諡文思華自入官翰林才名頗著平居寡言笑  
及論辯古昔褒義寧當成敗多奇中爲文章嚴整峭  
厲而險諱用數好傾排人阿附萬安與妖人李孜省  
相比如尚書李秉王恕馬文升秦紘侍郎邢讓祭酒  
陳鑑與其同輩劉宣澤景相逐斥逐華力居多華得  
參贊其官出吳棧一時爲之語曰八百憲臺陸李裕  
三千館閣  
薦彭華  
十二月皇第十子生母曰潘端妃是月也  
以傳奉得官者百有餘人

二十二年正月以四方災傷盜起虜報日聞西南徭  
徭爲患止遼東至甘肅沿邊并腹裏各布政司及鄖  
陽等處巡撫都御史赴京議事辛酉月食勅河南按

察僉事傅希說兼理鳳陽等府賑濟饑民二月以所  
在饑荒賜巡撫官勅令其撫安軍民詔移河南開封  
府存留米十二萬石于陝西六萬三千石于河南府  
賑饑秦王公錫薨是月也傳奉七十餘人有命武官  
世襲者有與文職者有以請得者有加給皂隸者三  
月是月也傳奉九十餘人多以革退取還而僧道之  
徒尤盛至畫士匠作舊已裁省月米至是加增如故  
者千五百有餘人四月金州知州鄭福九載秩滿州  
民奏留許之陞品給俸先是樊忠韓錫者兵部武選  
司吏也吳鑑吳興則大興縣民匠鑑出入會同館與



貢夷通易有建州衛夷人謀買舊勅鑑言於忠輒盜  
本司廢勅十六道同往售之錫故盜勅二十一道至  
是亦托鑑興轉售爲緝事所發下錦衣鞠實兵部左  
右侍郎阮勤侯瓚郎中鄒襲朱紳員外郎彭綱主事  
高鑑等五人并吏役人等俱逮下獄刑部各擬合坐  
律上以忠等通夷盜勅大不畏法命卽誅之襲等防  
範不謹免贖調外勤瓚亦調於南京別部餘各坐罪  
有差襲旻鄉人也與旻子翰林侍講龍素厚侍讀焦  
芳亦與往迓襲至通州留數日芳與龍謀爲蔚州左  
等衛署指揮使旺等保留襲旻爲覆奏旺等保留公

論也乞復襲官上第姑許之而責旻曰爾何絲知公  
論者已緝事復發襲旺交通作奏狀下錦衣鞠實科  
道官劾奏旺嘗以宿娼事覺襲庇之故爲此以報私  
恩尚書尹旻侍郎耿裕黎淳郎中鄭宏員外郎邵賢  
主事修珍等徇私妄請俱宜究治上命執宏賢珍修  
鞠之令旻裕淳對狀旻自服上責旻典選不公徇情  
罔奏落其太子太傅爲太子少保裕淳竝罰俸襲發  
爲編民宏降一級賢珍俱調外任旺等調外衛差操  
封貢錚爲肅王貴州苗作亂巡撫右副都御史謝朶  
請調四川湖廣近衛官軍土兵四萬餘人勦滅之勅

曰苗賊肆惡出師撲滅至計也第念前此亦嘗興師  
致討屢以捷聞然率兵之方出賊覺卽逃及其甫歸  
跳梁如故蓋緣苗性靡常依險負固貪功之徒未免  
傷及無辜爾今詔諭諸夷何久聽撫化又復攻圍搶  
殺是何堡寨軍民與爾有讎明白訴告照依夷俗體  
例爲爾處分賊如執迷不從卽於貴州屬衛及都督  
僉事彭倫所轄衛所再調官軍上兵一萬密切討議  
務出萬全勿墮敗計若畏感輸服卽仍撫定庶不濫  
及無辜貽患鄰境其欽承之是月也以傳奉得官者  
四十有餘人五月東廠官較發尹龍納賄下錦衣衛

獄諸給事中張雄劉清劉昇御史陳孜等交章劾龍  
弁及旻上宥旻令三法司錦衣衛執龍及通龍賂得  
官者通判王範經歷張燧于午門外拷訊併得禮部  
郎中劉紳兵部員外郎董寧常德同知朱紳按察副  
使何顯王錦馮蘭等六人獄上上革旻宮保令以尚  
書致仕發龍爲編民降範燧三級調降遠方紳等各  
令執問降官復令侍郎裕等對狀皆伏罪上復責其  
旁視阿默仍停俸三月紳尚書劉昭子也科道官弁  
劾昭昭亦具伏上宥之而工部右侍郎談倫故與龍  
獨親不及於罪官較復緝其多費官錢諸事上革倫

職爲民而太常寺少卿劉淳亦坐外調已上以給事  
中張雄御史劉孜等居常妄議朝廷工部侍郎倫侵  
欺官錢數多何不言者復令降一級調之邊方而芳  
坐與指揮旺起奏草亦降爲桂陽府同知於是刑部  
右侍郎佶鍾戶部右侍郎秦紘大理寺丞劉璣太僕  
寺卿張海順天府丞董傑司經局洗馬羅璟御史劉  
璧于璧高輔張鼎禮部員外郎楊榮翰林編修王勅  
刑部員外郎袁弼給事中馬良大理寺副蘇泰竝以  
山東人悉從調降

尹旻歷城人天順初爲刑科給事中徐有貞與石亨等嫉言官劾王

文于謙謀不軌英廟下廷臣鞫問文力辯不承都御史蕭維禎曰此聖意也不難以免太平侯張賜頌目

徐語此其自犯云何聖意刑部侍郎劉清從旁欲有所左右賜怒斥之晏直起拳踢二人曰奸臣也正好毆殺明日遂得附為通政司參議成化初為吏部右侍郎尚書李秉被劾晏與左侍郎崔恭頌乘去位恭得代秉而晏亦代恭未幾恭以母喪去晏意已當代而姚夔自禮部來補晏大失望主使誘夔夔且去矣太監譚勦乘閒以大理寺卿王榮及晏言於上是時物望皆歸於榮內閣商輅銜晏謗夔意亦不在是也居久之夔沒輅適以妻喪在告晏亟叩勦引刺事太監以外論人言於上上遂諭彭時擬旨而晏得陞尚書先是吏部進用人不皆出上斷自成化間有會舉之例自是每值遷擢必入議內閣晏念倚內臣得官與內閣不相比附江直用事兵部尚書項忠約諸卿疏直罪除之令郎中張瑾姚瑩持疏詣晏署晏曰何先我日公六卿長也晏曰今日方知有長卿耶因往語直兵部貶監公非我也忠疏入土雖為罷直賴未幾得召復而忠坐賊免輅以此求去繼輅者萬安安與晏鄉舊安亦未有以中也晏在銓部頗有知人之鑑第其駁物多詐有所推舉必先科道官卽舉部屬

亦必往來中官所者其他雖素所許可稱之而已  
汲引不及也曼子龍爲翰林侍讀稽父權納賄朝士  
籍籍謂籍吳家貨之半可以賑濟山東民會珣以易  
儲事罷安引尹直入闕共擠曼而道士李孜省又從  
中諧之曼坐得罪弘治中贈太保諡恭簡六月勅諭文武羣臣曰朕惟人

君圖治必先得賢人臣輔治必謹奉法太祖高皇帝  
創業貽謀百司庶務具有成憲列聖相承守而勿失  
朕繼統遵承夙夜兢兢恒思人輔奈歲月滋久文恬  
武嬉往往有恣情玩法隳職僨事形跡敗露已寘憲  
典尚慮爾羣臣罔知儆戒以致名節不立勳業無聞  
國家何賴焉特茲戒諭當各惕然奉公或內省有疚  
須痛自懲艾稱朕求賢圖治之意山西潞城縣有劇

盜數十家羣居一村其劫奪人至燻死平人一家十  
六口縣捕之急盜悉遁其家屬居村中莫誰何他日  
彰德府有盜知縣王濬遣人緝獲則皆其潞城村中  
盜而其半得逸去濬令拘逸者眷屬以致盜盜白晝  
至潞城下擄平人大書其臂曰爲我語令速釋眷屬  
不且殺令濬懼出眷屬三十六人令縣民分食之縣  
民告濬盜家屬也誰能食盜此時縣中人相食又安  
所得食盜家屬盍殛之濬佯不問曰聽汝等之所爲  
民分領三十六人擁入土窖亦燻殺之事久不發也  
縣當解折糧金於巡撫金多贖巡撫詰濬濬召冶金



匠而將治之冶金匠故與濬妾家有連其敢治贖金者實以濬寬之欲使牟衣食不意大僞惡則大怒聲言痛治匠匠恐亡入京師發濬事於東廠朝命刑部員外郎蕭仲賢往勘仲賢了無辯析坐濬凌遲刑濬臨刑歎曰以我贖二十六人命者我罪也何至乃極刑同時行刑者有父子二人父坐凌遲子坐斬父子相語我則已矣以施王命不亦寬乎六科聞其事以參劾問刑官自布政使而下悉罰降有差而刑部侍郎何喬新亦伏罪上諭法司曰刑重事也所司慢之其尚明慎毋曠厥官有不敬絲是惟府辜七月增設

漢中府寧羗州轄峽陽沔二縣八月以江西多盜改

調巡撫都御史閔珪為廣西按察使別調巡撫陝西

都御史鄭時為參政自內旨閔珪烏程人天順甲申進士按御史屢劾罷不

法大臣成化中以都御史巡撫江西江西多盜珪謂

皆緣富室為逋數議坐富室罪江西京官皆不悅至

是以論李孜省左遷廣西按察使弘治初復都御史

巡撫畿甸久之以右都御史總督兩廣軍務累遷左

都御史掌都察院事加太子太保與刑部更定問刑

條例為絮令遷刑部尚書前後屢治大獄皆會切情

法加以仁恕正德初請老卒八十二贈太保諡莊懿

庄少以韓魏公自期其後數歷中外焯著勳烈雍容

鄭廟天下陰受其賜鄭時舒城人景泰辛未進士

授御史出按湖廣江西所至風裁凜然彈劾不避天

順五年為用事所忌左遷內鄉知縣累遷右副都御

史巡撫陝西西人大饑百方賑恤至請發帑金百十

萬以濟朔望必詣學講書人問其故曰方今人情洶

洶吾既賑之又徵發以大義亂何緣起至是上言五

名山藏

卷之十七

典謨記

五

事一日盡誠敬以回天意二日明理義以杜妖妄三日減進貢以蘇民困四日息傳奉以抑虎倖五日重名器以待有功辭多切直坐改貴州參政承命析然就道西人如矢父母弘治初陞左副都御史撫治鄖陽累陞刑部尚書屢疏請老時爲人最重甯介甫好施子敷歷官外四十年康慎之行始終如一廷臣會舉吏部右侍郎黎淳工部右侍郎賈俊可任戶部尚書巡撫四川右副都御史劉璋巡撫大同左僉都御史葉淇可任戶部侍郎右僉都御史張悅大理寺少卿可任刑部侍郎上曰何輕忽乃爾其再推黎華容人天順元年進士第一授翰林修撰弘治中爲南禮部尚書諫文偉浮取介寒合好直言居官屢除弊事在戶部不受私賄不行請囑尤慎形跡事屬矯託輒窮本末必暴白乃己人有玷行雖所甚愛必摧折不曲庇常患風俗日侈自裁損齋養宴飲稍示節度訓誨諸生憂慶不倦下逮書吏有嚮學輒優給之

後多成名 劉璋南平人天順元年進士起家戶部  
主事工部尚書終官爲人廉勤恭慎在工部議政決  
疑公平直諫朝廷有所營建得璋發曲匡抹省免甚  
多蒞官四十餘年喜怒恩威皆因其人無毫髮私意  
葉洪山陽人戶部尚書終官改鹽商輪粟塞下增  
鹽直使輸金縣官而鹽政坐壞論者詆洪誤國之罪  
不及正刑 張悅華亭人天順四年進士起家刑部  
主事南戶部尚書終官贈太子太保諡莊簡平居謹  
畏小心無疾言厲色至臨事卓有定見未嘗以私怨  
利害動其心嘗謂人曰古之聖賢其過人遠甚凡所  
欲爲皆公無私故其事業光明俊偉今人去聖賢遠  
矣事竭公忘翁恐不及况復濟以私乎有言善讀書  
不善作官者笑曰此正不善讀書耳世豈有遵書本  
行而誤者其以按察使入覲時中官尚銘任事東轍  
衆輩趨其門悅獨不往銘敗悅名益彰爲南吏部尚  
書守備太監陳祖生設席延賓上坐子弟問更致何  
人曰他人可同張公耶家居簡僉揭壁間曰客至留  
饌儉約適情殺隨有設酒隨量傾新親不飯大賓不  
牲匪直戒奢 遣監察御史鄧庠兵部員外郎費瑄勘  
亦以養生

處貴州邊事勅曰貴州守臣奏苗賊爲惡欲增兵致  
討事難遙制命爾往察豈繫在我或尚可招撫卽許  
自新如其執迷乃痛勦之毋輕調大兵邀功債事慎  
之重之是月也以傳奉得官者九人九月南京兵部  
左侍郎馬顯乞致仕許之上批顯疏曰南京米貴民  
饑尚書王恕參贊機務無一策賑濟知其老劣矣可  
革太子少保亦令致仕工部主事王純奏恕昔莊助  
論汲黯於漢武帝稱爲社稷之臣臣謂如恕近之乞  
賜寬假仍復其官上曰恕未有社稷功純何得妄引  
命杖訊純降二級外調之遂改兵部尚書馬文升于

南京以代恣

馬顯廣平人正統壬戌進士爲都給事

忌者所中出爲河東運使累遷兵部左侍郎至是致仕顯孝友忠厚望重鄉邦出處大致不愧古人逮

廣東左布政使陳選至京卒于途手勅改兵部左侍

郎尹直爲戶部左侍郎兼翰林院學士入內閣參預

機務改右都御史屠濬于南京故致仕都御史劉敷

于京師

尹直泰和人景泰甲戌進士襟宇豁達議論

相善而素不爲尹旻所滿禮部侍郎缺旻有所他薦

內批以直爲之翼日廷遇旻舉笏相謝旻曰公簡在

帝心者自此結怨日深後與李孜省黃景同擠罷旻

直所著鎮綴錄力詆吳與弼之爲人及諸勝已者卒

入十五諡文和 晉滿鄆人成化丙戌進士起家監  
察御史以都御史王越薦超陞僉都御史歷右都御  
史李孜省黨嘗以私事銜滿共謀奪之故有是調滿  
以弘治初元總督兩廣尋召還掌院事進太子太保

陞吏部尚書累加太子太傅正德初以舊職兼兵部尚書致仕瀟風儀雋爽議論瀟灑當事練達立心長厚人有獲罪者每多方爲曲全有監司以憂去任或云其人當黜瀟曰古不伐有喪之國况無顯惡而乘是黜之耶每註選至烟瘴地停筆久之曰吾嘗經其地官多以瘴死必擇宜其風土者因奏爲者令弘治六年以後頗多內降官漸穴因災異凡三執奏大意謂天下士事詩書而躬家積突詔鋒而竭筋力積數十年不可得而白身之人乃或因奔競乞俸或緣技藝蒙幸如拾芥然不可以爲訓又曰今日之傳奉卽漢所謂西邸之爵唐所謂斜封之官宋所謂內批之降甚爲政體累陛下當遠祖堯舜近守祖法豈可襲漢唐宋弊政乎衆皆服其確論言官有欲開納馬之例者卽抗疏曰朝廷倉庫及太僕見積尚多釋此不用反開是例萬一闕于北虜將謂中國戰馬財用俱已空竭不亦生戎乎議遂格第其人以防簡疎畧屢掛紉彈戶部尚書周經被劾孝宗右問瀟瀟對科道劫經悉挾私耳隨辨已枉上詰責科道官令對狀瀟惶恐請罪上責瀟宥之科道官因言向日廷臣交結李廣事露瀟名在列上恩寬大含宏不治今當延訪

初首倡挾私之說中傷言官動搖主意邪正是  
斷可知已滿階乞致仕正德初守正大臣多去位滿  
善俯仰不樂家居得徵居舊職兼左都御史時劉瑾  
用事滿亦時有諷諍然終不為所喜再奪月俸竟致  
什亡何卒贈太保諡襄惠滿在吏部存心忠厚自謂  
手持此筆掌刑獄惟恐誤殺一人掌銓衡惟恐誤黜  
一人嘗燕居部中偶衣白綾色甚鮮澤辦事官硯汗  
之大恐請死滿曰吾政惡其太深也有鄉人鴆為滿  
子騷擾行途滿問第有戒之曰汝為我子良自不辱  
難為乃公耳管家第有老嫗敗屋當前堅不肯券滿  
夜扣扉戶嫗聞滿至曰屠公欲券吾屋矣此吾生死  
所也老寡嫗憫安所徙歸滿曰第起吾與汝商券而  
直不汝徙也為汝去敗而新以直與而子轉鬻販而  
子有家也而後議嫗之徙留嫗曰誅居久之其子有  
家來告徙瀟款而遣之人服其德劉敷未新人景  
泰二年進士授南御史累右都御史為人有才性渡  
坦夷濶達不說不激事有空礙雖在  
倉卒慮之裕如歷官中外悼有聲績是月也以傳奉  
得官者十五人十月調吏部尚書耿裕為南禮部尚



書復建大永昌寺于西市是月也以傳奉得官者十  
有五人十一月申明推舉將才之令始命錦衣衛官  
一員守登聞鼓有婦人爲夫訴冤自  
劾鼓下故有是命是月也以傳奉  
得官者五十三人十二月進士敖毓元故以星變言  
時政甚切直疏畱中後循例放歸至是謁選得橫州  
知州內旨降爲雲南縣丞吏部擬授臨西從之是月  
也以傳奉得官者十八人

二十三年正月命南京右都御史屠濬諭占城國王  
古來於廣東調應天府丞楊守隨爲南寧知府并陞  
其從弟翰林院編修守陞爲南京翰林侍讀是月也

以傳奉得官者二十人二月皇太子婚吏部奏通政  
司缺官請以禮部王傳爲右通政禮科給事杜明爲  
右參議上可之遂內批陞通政李孜省爲禮部右侍  
郎仍掌通政司事是月也以傳奉得官者四十四人  
四月丙戌以皇太子婚上徽號于皇太后曰聖慈仁  
壽皇太后壬辰諭文武羣臣曰朕憂亢旱虔心祈禱  
自二十五日爲始各加祇慎毋或迨違丁酉分遣勳  
臣告于天地社稷山川是月也以傳奉得官者七十  
餘人而汰黜匠官給半俸者八十有八人五月以江  
西多盜命河南左布政使李昂爲都察院右副都御

史巡撫之乙卯遣廷臣齋香帛分禱天下山川以祈  
雨丙辰勅諭文武羣臣曰上天示戒旱久田枯民庶  
驚遑朕甚愍之寬恤刑獄遍禱神祇雨尚未也寃未  
伸歟用未節歟困未蘇歟抑爾百官罔上而厲下歟  
朕已節減用度疎放宮人爾等各體朕心痛自修省  
紓朕憂憫元元之意六月冊同鑣爲周王貢琮爲肅  
王定武職隱匿舍餘立功久近之法七月召致仕左  
都御史余子俊復爲兵部尚書冊皇子祐樞爲興王  
祐楡爲岐王祐楨爲益王祐梓爲衡王祐標爲雍王  
癸丑月食追諡大理寺丞鍾同日恭愍是月也以傳

奉得官者四人舊減俸半支許全支者五十餘人八月究治天下諸司僞吏自庚辰至于甲申上不豫命皇太子視朝于文華殿戊子上大漸召皇太子使早卽位諭以敬天法祖勤政愛民之道己丑上崩壽四十一九月乙卯上尊諡繼天凝道誠明仁敬崇文肅武宏德聖孝純皇帝廟號憲宗十二月壬午葬茂陵臣喬遠曰上聰明仁恕淵默勤恭孝事母后如古帝王郊廟齋祭必極誠敬景皇帝嘗有封沂之命未嘗一語及之委任大臣畧無猜忌或卽干紀屏黜無疑一聞四方水旱戚戚然下所司賑濟或輦內帑給之

重惜人命斷死刑累日乃下夙興視朝但遇雨雪輒  
放常參官而不廢奏引隆寒感暑或減奏事以恤衛  
士侍立之勞閒有遊豫不出大內如南園祖宗時不  
廢遊獵上未嘗一幸焉時御翰墨作爲詩賦以賜大  
臣諸司章奏手自披閱字畫差錯亦蒙清問臣下益  
兢業職事莫敢或欺蓋上以守成之君值重熙之運  
兵革不試萬民樂業垂拱而天下大治矣